

DOMI TA BOLBE RIBA ESCENARIO



ORANJESTAD(AAN): Despues di siete aña Domi Tromp a dicidi di subi escenario di Cas di Cultura atrobe pa deleita nos publico cu su papel di negociante di arte den e obra: "**Ken ta keda cu**

mama?" Un obra teatral yen di momentonan di alegria, di dulzura, tension, emocion y naturalmente patapata di chispanan di candela.

Na 1984-1985 Domi a actua como e jaagdo enamora den

"Tiro riba tiro" y na 86 relaciona cu hubileo di plata di Mascaruba, el a dirigi y actua den e obra di un acto, "**Testament Plega**".

For di chiquito e tabata masha interesa den teatro y e prome obra chiquito cu el a yega di actua den tabata riba escenario di Don Bosco Club na Noord.

Durante su estudio na hulanda el a profundisa su mes tambe mas den e.o. teatro.

Back na su isla natal den añanan 50 el a actua den diferente obra di Centro Apostolico Arubano.

E tempo ey nan tabata bay di paroquia pa paroquia cu obranan manera: "**Golgotha**", "**Asina sa biba**", "**Bo felicidad ta cerca mi**" y "**un soño di Pasco**".

Dia 10 di april 61 Domi tabata tambe pa na cuna di Mascaruba riba escenari di

cas di Cultura (e tempo ey yama Centro Cultural).

E diadomingo mainta ey a tuma lugar e prome ensayo di "**veneno Sabroso**" traduci pa Nena Vrolijk y Domi y dirigi pa Joeke Broedelet.

E prome presentacion di "**Veneno Sabroso**" a tuma lugar dia 21 di juli 1961.

Tabata e prome obra di Mascaruba cu a yuda trece e publico Arubano den Cas di Cultura.

Pa varios aña Domi tabata e prome president di Mascaruba. El a traduci y actua den diferente obra bao direccion di directornan profesional manda pa Sticusa via CCA pa yuda nos desarolla nos mundo di teatro na papiamiento mas y mas.

Ademas Domi a participa den diferente workshop di teatro.

Despues di "**Veneno**

Sabroso" a sigui "**E anochi di 16 di januari**", "**Veneranda Dañarol**", "**P.P.G. G.G.**", Maria di Seri'i Noka", y "**Suerte Pushi Preto**".

Tur bao direccion di Piet Eelvelt. Despues di Piet Eelvelt a sigui directornan manera Peter Holland, Pieter Kamerman, Maxim Hamel, y Dolf de Vries.

Awor despues di su 32 añanan di existencia, Mascaruba tin su propio directornan di cual Oslin Boekhoudt ta esun cu mas experiencia.

Semper teatro a keda Domi su hobby mas preferi.

Mirando e lunanan largo cu Macaruba a traha intensivamente riba "**Ken ta keda cu Mama?**" Domi di su banda por garantiza nos publica amante di teatro un anochi verdadero di gozo y alegria sin fin.